

questo madona Lugrecia duchessa si duol assai; à mandato danari in campo, di qual ducati 600 a domino Julio Tasono, e si è fato fanti per mandarli in Ymola. El cardinal di Ferara fo qui, parlò al duca e si partì per Roma. La terra sta mejo, eri andò doy; et manda avisi auti di Bologna, di 23, à cosse vechie di Roma. *Solum* questo di novo, che 'l conte Zuan Francesco di la Mirandola era venuto con 100 cavali lizieri et 500 fanti per intrar in la Mirandola, la qual il conte Lodovico, suo fratele menor, per testamento l' à, fato dil padre; et fato provisione non potè intrar. *Item*, monsignor di la Trimolia, par sia venuto in parmesana a Oselo castello di quelli di San Vital, e li stassì senza spexa. *Item*, di Roma li Orsini tolse una fia di la fia dil papa Alexandro et do altre damixele, e le menò in Monte Zordan e sachizò la caxa.

Di Alemagna, di sier Alvixe Mozenigo orator, tre lettere vechie non prima abute, una di 15, data a Fragestan. Come andava dal re chiamato da soa majestà, e si scontrò nel cardinal prixiense. Li disse el papa stava mal, pur il re si voleva andar a incoronar e lo chiamava per questo.

Item, che trovò el general di Landriano e domino Lodovico Visconte andavano dal re chiamati da soa majestà, quali non li admete udir se non per le cosse de Italia. *Item*, che le bombarde e cortalde che 'l re à donato a l' archiducha, si erano aviate per il Ren.

Dil ditto, di 18, a Nazareth. Come trovò el signor Constantin Arniti e Ferando dispoti di l' Arta andavano a Yspurch per meter ordine a certe sue cosse, poi veriano dal re; li ha ditto che 'l re si duol che 'l papa par si dimostri francese hessendo stà sempre alemano, però vol acelerar et andar a Roma. *Item*, che era venuto dal re uno Zuan Consecha, per nome di sguizari, a dirli, quali voleno invader nel stato di Milan; e che 'l re li duol, per esserli in odio tal nome di sguizari etc.

Da Crema, di sier Alvixe Barbarigo podestà et capitano. Come si doveria ultimar quella fabrica, la qual sta mal al modo la sta.

Di Pizegaton, di sier Zuan Corner proveditor, e sier Michiel Foscarini castelan, de ... Come per il cresser di Adda à ruinato il ponte; *etiam* minaza ruinar il castello, si non se li provedi etc. Et per Colegio fo scritto al capitano di Cremona vadi li col conte Alvise Avogaro, provedi.

Etiam, per mio aricordo, fo scritto a Verona mandì 104* li Zuan Comito inzegner nostro, sta a Zervia.

Fo scritto per Colegio a Zervia al podestà sier

Faustini Barbo, non se impazi in mandar niun a Romano senza voler nostro.

Fo scritto a Corfù, mediante el mio aricordo, al proveditor di l' armata, che insieme con li rectori scansino le spexe etc., et mandì a la Signoria nostra, *videlicet* di quella camera. *Item*, si li manda ducati 100 per far li magazenì, come el scrive, et *alia ut patet*.

Fo *etiam* scritto al rezimento di Corfù zercha domino Alexandro di Gotti capitano di la isola, qual li fo dà certe possession *prout in parte* e che lui tien di più; che vedino e quel più meti in la Signoria nostra.

Fo risposto a sier Alvixe Barbaro proveditor sopra i canapi è a Brexa, che vengi a Verona, saldi li conti et vengi in questa terra sicome per sue lettere à richiesto; et cussi si doveria far di l' altro.

Da Ruigo, di sier Zuan Paulo Gradenigo podestà et capitano. Zercha le aque; et che l' Adexe è molto grande, et che 'l provede etc.

Di la Zefalonia, di sier Alvixe Salamon proveditor, di 18 septembrio. Dil zonzer de li sier Donado Moro per castelan, con lettere se li debbi consignar la forteza; et cussi exequito. *Item*, dil ditto, come a di 26 avosto ricevè lettere per sier Bernardin da Canal electo capitano di l' ixola lui e li fradelli, per anni dieci, con li modi et condition era sier Marco Trun. E cussi li à fato consignar il capitular.

Dil ditto proveditor, pur di 18 septembrio. Come a di 28 lujo ricevè lettere, con il Consejo di Pregadi, con la parte presa a di ultimo mazo passato, e cussi à exequito e fato incantar e vender le saline de le Peschiere per conto di San Marco. Le baronie, parte erano stà concesse per il zeneral Pe-xaro a spicial persone, e parte lassato a sier Marco Trun capitano di l' ixola a scuoder la intrade de esse. Esso proveditor hora à fato distribuir di quelle una parte a li stratioti, e a sier Giacomo Salomon; dil resto fa scuoder le intrade per conto di quella camera. E avisa di li esser stratioti modonei provisionati mandati per la Signoria, con alcuni altri fonno trovati al Zonchio mandati per il zeneral, in tutto numero 80, quali bravò sotto sier Marco Trun preditto dimandato dil zeneral; di li quali li do terzi ancora non haveano abuto terre nè possession alcuna. Et ricevute le nostre lettere, fece la mostra a tutti, e à trovato cavali 70, et per la inopia loro è stà acceptadi; e a quelli manchavano le terre ge ne à fato dar, justa il tenor di privilegj soi, di la metà imposta per il zeneral prefato, *videlicet* el fondi, zape 8 di vigna, e